

ادبیات عمومی و سیاسی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۱۷ جاذی‌الآخر ۱۳۳۶ جمعه‌ایرتسی ۳۰ مارت ۱۹۱۸ نوسرو ۳۰ — ۶۱

اجمال‌فکار

ادبیاتده تجربه

(ره‌طوریق) دیرلر فرنکجه‌ده برکله وار . بوکا بز کندی دیلمزده طنطنه و دبده
الفاظ دیه‌بیلرز . برطاقم کورولتلی ، پاطریدی سوزلر ، کنایه واستعاره‌لر ، تشبیه‌لر
وسائر ايله حقیقی بوغمو ، مخاطبک شعورینی اویشدیرمق ، آنک برمعادله فکریه
وذهنی‌ده بولونمه‌سنه امکان برافاق .. ایشه ، جمله‌سی بوتعریفه داخل اوله‌بیلیر . قدیم
محررات وادیات ، یالکز بزده دکل ، دنیانک هریرنده وهرملتده بویله ایدی .
بریرده ره‌طوریق ارتکاب ایدلمش ایسه ، ایجه بیللمش اولیکز که اوراده‌هنوز سویه
خلق یوکسه‌لمه‌مشدر . خلق وقارئین صافدرونددر . شوده مجهول قالماسون که ره‌طوریق ايله
مشغول اولانلره (ده‌ماغوغ = عوام‌فریب) عنواتی ویرمکده بیوک برخطا اولماز . بر
انسان فضله ده‌ماغوژی وره‌طوریق ايله اوغراشیرسه‌امین اولیکز که او ، جدیتدن ، تحلیل‌ات
منطقیه‌دن ، حقیقتدن اوزافلاشیر . جداً تکامل ایتمش ملتدرده بوانهماک یاواش یاواش
اکیلیر . هیچ کیمه بویله طبل و علمله اعلان واشاعه ایدیلن حقائقه عطف اهمیت
ایتمز . حتی ، بعض مجرب ذوات بواسلوبدن قیزارلار بيله . مثلاً برکوزلدن بحث ایدی‌لور .
فرض ایده‌لم که مومی‌الیا کوزل ، علی‌العاده شیرین برقادیندر . یوق ، ره‌طوریق بولسانی

[کوستاولوون] ك آثارندن :

فرانسه اختلالی و روحیات انقلابات

اختلال انسانده سجایای شخصیه نك تحولاتی

شخصیت نصل و کیشور؟ — اختلال زمانلرنده شخصیتلرک نه کی انقلاباته اوغرادقلمی تدقیق ایتک لازمدر .

هرانسانده ، بولندیغی محیط دیکشمده کی وقت ، ثابت وهان همان تفراتدن مصون برذهنیت معتاده وارددر . بوندن ماعدا برطاقم سجایای مختلفه وارددرکه حادثات بونلرک میدانیه چیقمه لرینه سبب اولیور . اطرافزی احاطه ایدن موجودات ، بعض احوال و حادثاتک مولودی ایسه ده احوال و حادثاتک هیئت مجموعه سنک زاده اصلیمی دکادرلر . « بئلك » مزه ، ارثی برچوق شخصیتلرک رماد و انقاصندن مرکبدر . محیط اجتماعی دیکشمده کی بوتרכیات عضویه ثابت برموازنه حصوله کتیریرلر . بو محیط ، اغتشاشات دورلرنده اولدیغی کی مؤثر برصورتده قاریشدیغی زمان ، موازنه درحال بوزولور و اعضای مرکبه سی ، نتیجه تفسخ و انحلال اولق اوزره ، حسیات ، افکار و طرز حرکت نقطه نظرندن اولکی شخصیتدن بستیون بشقه یکی برشخصیت میدانیه چیقار . ایسته بونک ایچوندرکه [ترهیب] دورنده ، ناموسلی بعض اورتیه حلالی آدملرک ، حلیم و سلیم برچوق رؤسا و حکامک دهشتلی ظالم و خونخوار کسیدلکری کورولشدر .

محیطک تأثیراتیه برشخصیتک بستیون بشقه یکی برشخصیتیه تحول ایتمی ممکندر . انقلابات دینییه حاملری اکثریا بوسیله ماهیت اصلیه مزدن بشقه برماهیتده کوزونورلرسه ده هر حالده بزدن بشقه برشی دکادرلر . احوال و حادثاتک تکرری ، عینی شخصیتلری میدانیه کتیرمه کادردر .

[ناپولئون] سیه نك بوکی امکان تحولی پك ایی آکلامش اولدیغی ایچون [سنت یان] آطه سنده شو مطالباتی یوروتیوردی : « بن ، مقررات و وضعیات سیاسیه مزده تصادفک پك بیوک بر حصه سی اولدیغی بیلدیکم ایچون ، هر وقت افکار باطله دن اوزاق و زمان ضجرت و بحر انمزده اختیار اولنان مسلك حقنده مسامحه کار بولندم ... اختلال زمانلرنده انسان آنجق یایدیغی شیئی تصدیق ایده بیلیر . بشقه برشی یایمه نك امکانی اولدیغی بیان ایتک موافق عقل و حکمت اوله ماز . عدالتدن انحراف ایتمه مک آرزو اولنورسه ، انسانلرک اعماق روحیه نفوذ ایتک پك کوچدر . حتی بونلر ، یکدیگرینی پك ایی آکلاسه لر ، و آرمه لرنده آکلاشه لر بیه احوال و حادثاتک تولید ایتدیکی فضائل و قبایح وارددر . »

بعض حادثات تأثیراتیه علی العاده برشخصیت دوچار انحلال اولنجه ، نه صورتله یکی برشخصیت تشکل ایدر؟ بوتشکل برچوق وسائط ایله وجود بولورکه بونلرک اک مؤثری قوتلی بر اعتقاد ایدنک صورتیدر . بو اعتقاد ، قوه ادراکیه و محاکمه نك بتون عناصرینی جذب ایدر . اهل صلیب ، ره فورم و علی الخصوص فرانسه اختلالی کی بحران دورهلرنده میدانیه چیقان شخصیتلر بو صورتله وجود بولمشلردر . حال طبیعیه محیط پك آرز دیکشده کی جهته اطرافزده بولنانلرده آنجق برنوع شخصیت مشاهده ایتمکده ایسه کده اونلرده بعض احوال اوزرینه ، یکدیگرینی استخلافه صالح برچوق شخصیتلر موجوددر .

حتی بوشخصیتلر ضد و بربرلرینه قطعیا مخالف^۱ اوله بیلرلر. حال طیمیمعیده مستثنی اولان بو حادثه بعضی احوال مرضیه ده مدھش بر صورتده تظاهر ایتمکده در .
شخصیتلرک بو تقلباتنده دکیشن شی ذکا دکل ، حیاندلرکه بونلرک هیئت مجموعه سی سجه بی وجوده کتیریر .

اضطربل زمانلرنده ها کم اولور صحیح — اختلال زماننده علی المعتاد نشوونما بوللرینه میدان ویرلرین و فقط علائق اجتماعیة انحرالیه رابر ساحه انکشافلری سربست قالان برطاقم حییات قوت بولور. بونلره قارشو بر قوه مقاومه تشکیل ایدن قوانین، اخلاق و عنفات ، فترت زمانلرنده هروقت قطعیتله دوچار انحلال و عطالت اولدقلری جهته اکثریا بعض تهلکلی حییاتک اشتعاله مانع اولورلر .

بقوای مقاومه نک اک مؤثری « روح عرق » درکه بر قومده ، عینی صورتده کورمک، حس ایتک و ایسته مک قابیلتی وجوده کتیردیکندن ، ارنی بر عرف و عادت حاصل ایدر، دنیاده ایسه عرف و عادت قدر قوتلی بر رابطه بوندیر .

عرقک تأثیراتی بر قومک تحولاتی تحدید و ، سطحی هردرلو تبدلاته رغماً تقلبات خصوصیه سنی حداصغری به تنزیل ایدر. تاریخک مروداتی منحصراً نظراً اعتباره آلنیرسه ، بر عصر ظرفنده فرانز ذهیتنک شایان حیرت بر صورتده دکشیدیکی ذهابی حاصل اولور. فرانسه ، پک آر سنه ایچنده ، اختلال درردن حکمدارلق اصوله کچیور ، صوکره مطلقیت اداره به رجعت ایدیور، و ، یکبدن بر اختلال قوپاردقدن صوکره بالآخره باشنه ینه بر حکمدار کتیریور . حقیقت حالده ایسه ، دکیشن یالکز ایشک سطحی اسامیدر .

بر قومک حقیقی حدرد تقلباتی حقنده دها زیاده تفصیلات ویرمکدن صرف نظر ایله ، اختلال زمانلرنده مردی ویا اجتماعی شخصیتلرک تحولاتنه سبب اولان بعض عناصر مرضیه بی موضوع بحث ایدلم . بو عناصرک تاریخده مذکور اولان فترت دورملرنده ویا خصوص فرانسه احتلالنده تاثیرلری مشهور اولمشدر .

کیس — رجال اختلالک روحیاتی تدقیق ایدیلیرکن اک زیاده نظر دقتی جلب ایدن تظاهرات مرضیه ، بونلرک ، اشخاص ، مؤسسات و ساء بالجمله تشکیلاته قار و بسله دکلی کیدر . رجال اختلال ، یالکز کندی خصیلرینه دکل منسوب اولدقلری فرقه نک ارکا به قارشو غیظ بسلمکده ایدیلر .
[دانتو] . [ژیروند] ، [مهربت] ، [روبه-بی ژر] طرفداراننک یکدیگرلرینه قارشو کوسترمش اولدقلری آثار غیظ معلومدر .

غیظ و کین ، عقل و منطقک تلقیناتی نتیجه سی اوله ایدی ، رجال اختلال آره سنده پک آز مدت حکم فرما اولوردی ؛ حالوکه بونک عواملی مرضی و رمزی و عینی منبعدن اولوق طولانیسیله ، بتون فرقلر عینی آثار مشئومه ایله احساس موجودیت ایتمشدر . الده کی واثائق ایله ثابتدرکه [طاغیلر] ده ، [ژیرونده نر] ده ، ظلم و وحشت بحثنده یکدیگرندن فرقلی دکل ایدیلر [ترهیب] اصولی بر واسطه مدافعه دکل ، صومیتله خصمانک محوینی تأمین ایدن بر چاره در .

مجادلات سیاسی و دینی ده مغلوب ایچون مرحمت یوقدر . ایکی یوز سناتو اعضاسنک « ننی ووردوران و بش آلتی بیک رومالینی قتل ایتدیرن [سیلا] زماندن ، یکرمی بیکدن فضله آدمی

اتلاف ایدن [قومون] قهرمانلرینک دورینه قدر برقاعده فجیعه دائماً جاری اولدینی کی استقبالده دخی عینی قوتله اجرای حکم ایده جکدر فکرنده یز . اختلال زماننده آثارینی کوسترن غیظ ، منحصرأ اختلاف اجتہاد واعتقاددن ایلری کله مشدر . حسد ، حرص ، عزت نفس کی حسیات ، غیظک وجود بولسنه سبب اولمشلردر ، غایه املری تحکم اولان افراد آرمسنده کی رقابتلر تأثیرله برچوق سرکرده سیاست میداننده حیاته وداع ایتدی .

شایان دقت برنقطه واردرکه اوده میل شقاق واونک نتیجه طبیعی سی اولان غیظک ، لاتین اقوامنک روحنی ترکیب ایدن عناصردن بولنسی کیفیتدر . غولوالرک استقلالدن محرومیتارینه سبب مستقل اولان و [چهزار] ی حیرته دوشورن بوروحددر .

بک آز زماندنبری حقایق علمیه وفیه یه نفوذ ایده بیان بشریت ، هروقت حسیات ومعتقدات تأثیراتی تحتنده حرکت ایتدیکندن ، غیظک تاریخ عالمده نه بیوک موقع اشغال ایتدیکی قولایلقله تقدیر ایدیلر بیایر .

اختلال دورنده « اخوت » دن چوق محث اولدینی کی زما عزمدهده بوتعبیر بک زیاده استعمال ایدلمکدهدر . صلح پرورلک ، انسانیتپرورلک . تساند متقابل اصطلاحاتی ، فرق مترقیه بک ورد زبانی ایسه ده روحلرک اعماقنده کی غیظک نه آتشین اولدینی هرکسک مجهولی دکدر .

هرف — اختلال زمانلرنده قورقو دخی کین قدر مؤثر برعاملدر . فرانسه اختلالنده شایان حیرت فردی جسارتلره مقابل [قونوانسیون] طرفدارلرینک اغتشاش چیقارانلره قارشو نه قدر حیانت کوستردکلری معلومدر . بوهکامدهده خوفک انواعی . تأثیراتی کوستریر . اک زیاده کوزه چارپان شکلی ، اعتدالپرور کورونمک قورقوسیدر ، مجالس اعضاسی ، اختلال محاکمی هیئتلی بو وادیده مسابقه یه کیریشمکدن چکنمدیلر . فرانسه اختلالنده ابقاع ایدلش اولان شنیع مظالم و جنایاتک قسم اعظمه صائق اولان بو حسدر . مجالس اختلال بوتأثیرات آلتنده بولنسه ایدی اختلال بشقه بر مجری تعقیب ایده جکدی .

کریمی احمد ماتی

هفته لقی تاریخ عرب و سیاست

[۲۱ - ۲۷ مارت ۱۹۱۸]

غرب تعرضی - مامه سیاسیات و صلح عمومی - مملکت مزده ، جبره لر بمزده

صوک هفته حرب عمومی تاریخی ایچنده بالخاصه شایان قیدوتد کارددر ، دینه بیلیرکه حربک بدایتندن بری بودرجه هبجانلی ومراقلی و بودرجه قطعی اولدنی محسوس کونلر کورمه دک . زیرا غرب جبهه سنده جهانک بلا شبه اک بویوک واک خونین ، اک قاریشیق واک چتین محاربه سی باشلادی ، درام ایدیور... بکن نسخه مزده ، (هینده نبورغ) و (لودم دورف) ک غزته جیلره سویله دکاری سوزلری نقل